

خبرنگار محاکمات

جمعه ایرتسی

نومرو	جاذی الاول	سنه	تشرین ثانی	سنه	صفحه
۷۴۷	۳۰	۱۳۱۱	۲۷	۱۳۰۹	۱۱۰۶۹

(اشبوغزته بهر هفته جمعه ایرتسی کونلری چیقار . سنه لکی درساعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوز پاره یه هر یرده صاتیلور . درج اولنه جق)
 (اعلا ناک هر برندن برمجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قشیرمسی

اولدقلری حالدیه روسیه سفارتجه مخالفت ایدلمکده
 اولمسنه ووقتیله اوستریا دولتمه ویرلش ایکن
 اخیراً دولت مشار الیهانک دخی فراغت ایلدیکی
 برحقه استناد ایله سفارتک بوبابده صورت اصرار
 کوسترمسی مناسب اوله میه جفته مبنی اولیابده
 تکریر تبلیغات ایله روسیه حکومتک دخی
 استحصال موافقتی حقه سبب ایدن اشعاره
 جواباً خارجیه نظارت جلیله سندن وارد اولوب
 مجلس مخصوص وکلاده قرائت اولنان تذکره یه
 ملفوف باب عالی حقوق مشاورلرینک مطالعه
 نامه سنده سفارت مشار الیهانک درمیان ایلدیکی

(فی ۱۵ جاذی الاول سنه ۳۱۱ وفی ۱۱ تشرین)
 (ثانی سنه ۳۰۹ تاریخنده بالمله ولایات استیناف)
 (محکمه سی مدعی عمومیلرینه ومدعی عمومی)
 (بولنمیان محاکم مدعی عمومی معاونلرینه)
 (یازیلان تحریرات عمومیه صورتیدر)

دول سائر تبعه سنک قبل الحکم حکومت
 سنیه حبس خانه لرنده توقیفنه موافقت ایتمکده

فقرات عهدیه دن بلچیکا و امریقا معاہدہ لرینک
مواد مخصوصه سندن ماعداسنه استنادہ حق
اولدینی کی بلچیکا حکومتک دخی بوخصوصه
اصرارایموب یالکز امریقا و روسیه حکومتلرینک
مخالفتلرنده مصر اولملری حسینیه بوندن طولانی
سفارتلریله مخبرده دوام ایتمک مناسب اولدیغندن
وحکومت سنیه نك معاہداتدن صرف نظر امور
عدلیه عثمانیه نك تنظیمات حاضر سنه مستند اولان
و ذاتاً دول معظمه نك اکثریسی طرفندن قبول
ایدیلان صورت فکر و مطالعه سنی محافظه ایتمکدن
بشقہ برشی یایه میه جغندن جرم مشهود حالنده
طوتیلان روسیه و امریقا تبعه سنك دخی منسوب
اولدقلری سفارتلرک اعتراضاتنه باقلمیه رق مظنوناً
توقیف و دوات حبس خانہ لرنده حبس ایدلمسی
لازم کله جکی بیانیه ایضای مقتضای درمیان
اولمش و مذکور مطالعه نامه مندرجاتی مناسب
و موافق حال و مصلحت کورینه رک اولوجهله
اقتضاسنک اجراسی بالتنسب نظارت مشارالیهالیه
ضبطیه نظارت بهیبه سنه اجرای تبلیغات ایدلمش
اولدینی بیان عالیسیله نظارتجده اکا کوره معامله
اولنسی شرفوارد اولان ۲ صفر سنه ۳۱۱
و ۲ اغستوس سنه ۳۰۹ تاریخی تذکره سامیه ده
امر و اشعار بیورلمش و اشبو تحریراتک نسخ

مطبوعه کافیه سی دخی لفا تسبیح قلنمش
اولمقله لدی الحاجه برمنوال محرر ایضای معامله یه
همت اولنسی سیافنده شقه .

نوشهر قضای بدایت محکمه سی اعضای
سابقه سندن قسطاکی افندیکنک بر ساخته مکتوب
مسئله سندن طولانی حقیده تعقیبات و معاملات
قانونیه اجراسی و محکمه مذکورہ اعضای
لاحقه سندن اولوب مستنطق وظیفه سنی ایضایدن
علی بکک دخی امور مأموره سنبجه مغایر قانون
حرکتندن ناشی تحت محاکمه یه النسی لازمکله جکی
قونییه ولایتی استیناف محکمه سی مدعی
عمومیلکندن عدلیه نظارت جلیله سنه ارسال
اولنان اوراق مندرجاتندن اکلاشمسیله مومی
الیهما حقیده اولوجهله معامله ایضای ضمتنده
نظارت مشارالیهادن مذکور مدعی عمومیلکه
تبلیغات لازمه ایضا اولنشد .

نیکده بدایت محکمه سی اعضای سابقه سندن
اولوب اخذ رشوته جرأتی اخبار ایدلمسندن
طولانی تحت محاکمه یه النمش اولان یورغاکی
افندی حقنده جریان ایدن تحقیقات نتیجه سنده
اخبار مذکورک براسناد غیر صحیحندن عبارت
ایدوکی اکلاشمسیله هیئت مخصوصه اتهامیه دن
منع محاکمه سنه قرار ویرلیدی قونییه ولایتی
استیناف مدعی عمومیلکندن عدلیه نظارت
جلیله سنه ارسال اولنان اوراق مأللرندن
مستبان اولنشد .

قسم غیر رسمی

ارزنجان سنبجانی بدایت محکمه سی جزا
دائرة سندن ویریلوب مع متفرعات باش مدعی
عمومیلک مأموریت علیه سندن ۲۵ ربیع الآخر
سنه ۳۱۱ و ۲۳ تشرین اول سنه ۳۰۹ تاریخ

وایکی بیک یوز سکسان بر نومرولی تبلیغنامه ایله
محکمه تمیز جزا دائرة سنه اعطا اولنان ۱۲ حیران
سنه ۳۰۹ تاریخ و یوزاوتوزسکز نومرولی اعلام
مطالعہ اولندی .

اعلام مذکورک مالی چاقرمان قریه سی
اهالی سندن یعقوب اوغلی صالحک جرح و قتل
اولن سندن طولانی اتهام اولنان قریه مزبورولی
یش نام دیگر حسین بن علی نك اجرا قلنان محاکمه
علیه سی نتیجه سنده قانون جزانک یوز یش
در دنجی ماده سنه توفیقاً اون بش سنه مدله کورکه
قونلمسنه حکم اولندیغنی حاوی اولوب تبلیغنامه ده
دخی وقعه نك صورت جریانی و مقتولک متهمک
خانه سنه کیروب والنده بچاق بولنوب تهدید ایله
فاحشه یی ویرمز ایسه زوجہ سنی چکه جککرینی
بیان ایلدیکنه دائر مدافعه شهودینک افاده لرینک
اساسنده مبادت کوریله مدیکی کی علیه شهودینک
مقتول ایله متهمک مضاربہ ایتمکده اولدقلرینه
دائر اولان سوزلرینک روشی دخی ابتدا مقتول
طرفندن تعرض و قوعنی اشراپ ایتمکده اولمسيله
کیفیتک تظاہری ایچون علیه و له شهودینک
بالتدقیق مواجهه لرینک اجراسی و متهمک خانه سی
قوسنک قیریلوب قیرلیدیغنی و یو یولده سائر

لزو می ظاهر اوله حق تحقیقاتک اطرافله اجرایی
لزو می ایکن نقصان بر اقلش اولمندن و بناء علیه
لا یحیه تمیزیه مندرجاتیده بجا کورنمندن ناشی
مذکور اعلامک تقضی طلب اولنمشدر .

سائر اوراق دعوی دخی قرائتله تدقیقات
تمیزیه به ابتدار اولندقدده مأموریت مشارالیهانک
تبلیغنامه سنده در میان اولنان اعتراضات بجا
ونقض حکمی موجب اسباب قانونیه دن بولنمغه
اصول محاکمات جزائییه قانوننک اوچیوز اون
دردنجی ماده سنه تطبیقاً اعلام مذکورک تقضه
و تمیز اعلامی خرجی اولان ایکوز غروشک
بالتحصیل محکمه تمیزیه لزوم ارساله ۶ تشرین ثانی
سنه ۳۰۹ تاریخنده قرار ویرلدی .

فی ۱۷ جمادی الاول سنه ۳۱۱

وفی ۱۴ تشرین ثانی سنه ۳۰۹

آیدین ولایتی استیناف محکمه سی جزا
دائرة سنک ۵ ربیع الاخر سنه ۳۱۰ و ۱۴

تشرین اول سنه ۳۰۸ تاریخ و یوز یکر می نومرو لی
اعلامی باش مدعی عمومیک مأموریت علیه سندن
۷ ربیع الاخر سنه ۳۱۱ و ۵ تشرین اول سنه ۳۰۹
تاریخ و بیک طقوز یوز یکر می طقوز نومرو لی
تبلیغنامه ایله محکمه تمیزیه جزا دائرة سنه کوندرد .
یکندن مطالعه اولندی .

اعلام مذکورک مالی مناسرتلی نیقولینک
کیفیت قتلدن طولایی جنایتله اتهام اولنان
طودورینک قانون جزانک یوز یتش دردنجی
ماده سنه تطبیقاً اون بش سنه مدته کورکه قولمسنه
ولئوئیدینک دخی قانون جزانک یوز یکر می رنجی
ماده سنه تطبیقاً بر یجی و واسیلک بر ماه مدته
حبس ایدلرینه حکم اولندیغنی حاوی اولوب
تبلیغنامه ده دخی متهم طودورینک فعل قتل
محاسرتی حقنده اعلامک مجرمیت قرارنده در میان
اولنان اسباب محل وقوعات اولان لئوئیدینک
بعجه سنده بکچی بولنمی و بعدالوقوعات قرار
ایلمسی ماده سی اوله رق مرقوم ایسه محل وقعه ده
بولندیغنی اقرار ایلمامکده اولدیغنی و فراری
ایچون دخی بر طاقم اسباب بیان ایلمسنه و بو
بیاناتی عربجه طودورینک افاداتی و صور سائر
ایله بر درجه به قدر مؤید بولنمسنه باقلنججه اسباب
حکمی مذکورک قرائن قاطعه درجه سنده
عدی اصولاً جائز اولدیغنی کی حبس خانه ده

ویرلدیکی حکایه اولنان تعلیمات فعل قتل آخرینه
غزو ایتمسنه دائر و بوصورت لهنه عائد ایکن
بونک ایچون تهدید ایدلمسی و متهمک ایقاع قتل
متعاقب فرار ایتمیو بده کندوسی مقتوله کوسترمی
یکده احوال طبعیه به موافق کوریه مدیکندن
و مقتولک باغچه دن کچمسنه متهمک تهو ر ایتمی
ایچون سبب نه اوله بیلجهکنک دخی ظاهره اخراجی
لازمه دن ایدوکندن کیفیتک احتمالاتدن وارسته
اوله جق درجه به ایصالی ضمننده تدقیقاتک
برمنوال محرر توسیع و تعمیق قانوناً و مصلحه
مقتضی کورنمکله و مع مافیه متهم مرقوم عندالحاکمه
اون التی یاشنده اولدیغنی سو یلمش و فعل قتل
ایسه برسنه قدر اول و وقوعه ککش اولمسیله اولوقت
اون بش یاشنی تکمیل ایدوب ایتمدیکی جهتنه
دخی اماله نظر دقت ایدلدیکنندن بجله اعلام
مذکورک تقضی طلب اولنمشدر .

فی ۱۸ جمادی الاول سنه ۳۱۱

وفی ۱۵ تشرین ثانی سنه ۳۰۹

(محکمه استیناف حقوق قسمندن ۲۹ خیران)

(سنه ۳۰۹ تاریخی والتش سکر عددی ایله)

(صادر اولان اعلامک مابعدی)

درعهده ایتش و کندوسی دخی اولصورته ایجار
ایتش واولباده برقطعه مقاوله نامه دخی تنظیم
اوله رق شرائط مذکورک ظهیرینه قید و ترقیم
ایدلمش اولدیغنی بیانیله مدعی مرقومک بو باده
ضرر و زیان ادعاسنه صلاحیتی بولندیغنی مدافعه
بیان و انبیا و شرائط مذکورک محتوی برقطعه
مقاوله نامه ایله بالمقابله کشیده ایلدیکی پروتستو

ورقه سنی ارائه و اعطاء ایتیمی اوزرینه اجرا قلنان محاکمات و تدقیقات نتیجه سنده مومی الیه خسرو بکک مأجور مذکور مشاعاً متصرف اولدینی مدعی طرفندن بیان ایدلمش اولسیله اساساً عقد واقعک فاسد بولمسنه و بومثالو عقد فاسده موجرک جبر اولنه میه جفی طبیعی اولسیله برابر ذاتاً مستأجر مرقوم حسین اغانک مأجور مذکور دروننده کی مستأجری اخراج ایتیمی تعهد ایلدیکی مدعی علیه طرفندن مبرز مقاوله نامه مندرجاتندن اکلشلمسنه مبنی مدعی مرقومک ضرر و زیان حقنده کی ادعاسنک ردیله اخیراً وقوعبولان ادعای وجهله یالکزر بدل ایجاره محسوباً مومی الیه خسرو بکک اول و آخر مأخوذی اولدینی تحت اقرارنده بولنان اوتوز یدی عدد لیرای عثمانینک مومی الیهدن تحصیلیه مرقوم حسین اغانیه اعطاسنه دائر محکمه مذکوره دن صادر اولان اعلام اوزرینه عندالاستیناف اجرا قلنان محاکمه و تدقیقات نتیجه سنده مستأجر مرقوم حسین اغان مأجور مذکور دن مستأجر اولی چیقارمفی تعهد ایتیمش اولسنه مبنی مأجور مذکورک تسلیمینی موجر خسرو بکک طلبه و بوندن طولانی ضرر و زیان دعواسنه حق اوله میه جفندن اعلام مستأنف بهک اسباب

موجبه سنک تعدیلیه تصدیقه قرار ویرلمش ایسه ده بدایه مدعی علیه حسین اغانک تخلیه و تسلیمینی ادعا ایتیمش اولدینی مأجور مذکورک مومی الیه خسرو بکک طرفندن مرقوم حسین اغانیه حین ایجارنده مستأجر سابق جانبندن اشغال ایدلمکده بولنش اولسنه نظراً محکمه جه موجر ایله مستأجر سابق بیننده منعقد ایجارک مدت و شرائطی مأجور مذکورک مستأجر لاحق حسین اغانیه عقد سابق ایجارک انقضای مدتندن صکره ایجار اولنوب اولمندیکی اکلشلمق اوزره مستأجر سابقک دخی جلب و احضاریله اول امرده بوجهتلر حقنده تدقیقات مقتضیه اجرا ایدلدکدن صکره مستأجر ثانی حسین اغانک موجر مومی الیه علیهده اقامه ایلدیکی تسلیم مأجور ادعاسنک رؤیتنه کیریشلمسی مقتضیات قانونیه دن بولندیکی حالده بویولده اجرای تدقیقات اولنماسندن طولانی اعلام ابتدائینک عندالاستیناف فسخی امور لازمه دن بولنش ایکن تصدیقی طرفنه کیدلمسنک قانونه مغایرتندن ناشی اولباده کی اعلام استینافینک تمیزاً نقض ایدلمسی اوزرینه اعلام مستأنف بهک فسخیه مأجور مذکورک متصرف سابق بولنان حاجی علی و اسماعیل اغالر داخل دعوی ایدیلهرک بتکرار اجرا قلنان محاکمه و تدقیقات استینافیه

تبیجه سنده مأجور مذکور مرقوم حاجی علی اغانک تخلیه ایتیمی اوزرینه مومی الیه خسرو بکک ایله مرقوم حسین اغان بیننده عقد ایجار وقوع بولمزدن مقدم یعنی بیک اوچیوز یدی سنه سی اغستوسنک ابتداسندن اعتباراً مأجور مذکورک درت سنه لکنک شهر یوزقرق غروش اجرت ایله قورشونجی علی و حاجی عارف افندیلر ورثه سی و صیلری امینه وزهرا خانم طرفلرندن مستأجر سابق اسماعیل اغانیه ایجار ایدلمش اولدینی بالتدقیق اکلشلمش و بوجهله وقوعبولان عقد ثانی فاسد بولنش اولدیفندن مستأجر مرقوم حسین اغانک مأجور مذکورک تصدیق طلبندن عبارت بولنشدر .

ایجابی لدی المذاکره تمیزی طلب اولنان اعلام استیناف مذکور مآلندن اکلشلدیفنه کوره مرقوم حسین اغانک بامقاوله نامه مومی الیه خسرو بکک استیجار ایتیمش اولدینی حالده هنوز کندیسنه تسلیم قلمدینی بیانیله اولباده کشیده ایلدیکی پروتستو موجبجه وقوعبولان ضرر و زیاننک تحصیلیه برابر طرفنه تسلیمینی ادعا ایلدیکی مأجور من بورك موجر مومی الیه جانبندن مستأجر مرقومه ایجارندن مقدم قورشونجی علی و حاجی عارف افندیلر ورثه سی و صیلری امینه وزهرا خانم

جانبندن شخص آخره ایجار ایدلمش اولدیفندن بجهله موکلنک بامقاوله نامه وقوعبولان عقد ایجارینک فسادینه قرار ویرلمسی مغایر قانون اولدیفندن بجهله اعلام مذکورک نقضی و تمیز علیه خسرو بکک و کیلی فوآد افندینک نتیجه جوابی دخی مرقوم حسین اغانک مأجور مذکورک استیجارینه مدار استناد عد ایلدیکی مقاوله نامه احکامنک بالآخره فسادى عندالاستیناف تحقق ایتیمش اولدینی کی اعتراضات سائره سی دخی واهی و نقض حکمی غیر مؤدی بولندیکی بیانیله اعتراضات مبحوث عنهانک ردی و اعلام مذکورک تصدیق طلبندن عبارت بولنشدر .

طرفلرندن مستأجر سابق اسماعیل اغایه ایجار اولندیفک تحقنه مبنی مومی الیه خسرو بک جانبندن مرقوم حسین اغایه وقوعبولان عقد ایجارک فسادینه قرار ویرلش ایسه ده وصی من بورتانک صفت وصایتلری ایله برابر تحت وصایتلرنده بولسان ایتمک مأجور من بوره صورت تصرفلری بالتحقیق اصولی دائره سنده ثبوت بولدیقی تقدیرده مومی الیه خسرو بکک مأجور مذکورى نه صفت وصلاحیتله مرقوم حسین اغایه ایجار ایتدیکنک مکملأً تدقیق اولنه رق حاصل اوله جق نتیجه یه کوره حکم وقرار ویرلمک لازم کلور ایکن محکمه استینافیه جه بورالرینک مسکوت عنه بر اقله رق وصی من بورتان جانبندن وقوعبولان عقد ایجارک مقدم اولدیغه استناداً بر منوال محرر حکم وقرار ویرلمسی تدقیقاً نتیجه نواقصدن معدود اولوب یولسز قانونه مغایر و مستدعی تمیز حسین اغا وکیلی رفعت افندیکنک اعتراضی دخی بوجهته متدائر اوله رق موافق نفس الامر کورنمش اولدیغه بناءً اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک تقضیه قانون مذکورک ایکوز قرق دردنجی ماده سی حکمنه توفیقاً کیفیتک صور مشروحه دائره سنده یکیدن

بالرؤیه اعلامه ربطی ضمننده قسم مذکوره اعاده سنه و زیرده مفرداتی مرقم اوچیوز اوتوز طقوز بچق غروش مصارف تمیزیه نک ایلروده حقسنز چیه جق طرفه رجوع ایتک اوزره اول امرده مستدعی مرقوم حسین اغادن النسنه ۴ تشرین اول سنه ۳۰۹ تاریخنده متفقاً قرار ویر یلهرک تفهیم قلندی .

اقسرای بدایت محکمه سنندن ۲۷ مایس سنه ۳۰۸ تاریخی واتی عددی ایله ویریلان اعلامک تمیزینی استدعایدن اقسرای قضاسنه تابع حلوه دره قریه سی اهاالیسنندن کوسه مصطفی اوغلی خطیب مصطفی افندی ایله مدعی علیه قضاء من بوره مضاف کلوری قریه سنده مقیم مایه اوغلی حاجی اندون یوم معینده دائره یه کلنکلرندن اصول محاکمه حقوقیه قانون موقتک ایکوز یکرمی طقوزنجی ماده سی موجبجه تدقیقات تمیزیه اجراسنه ابتدار قلندی .

اعلام مذکورک خلاصه مآلی بیک الی یوز التمش اوچ غروش محکومیتی حاوی مرقوم اندونک محکمه مذکوره دن استحصال ایلدیکی اعلام غیابی علیه بنده من بور مصطفی افندی طرفندن اعتراض علی الحکم عرضحالی اعطا قلندی حاله یوم معینده اجابت ایلدیکنکه مبنی استدعای مذکورک ردینه حکمدن و مستدعی تمیز مصطفی افندیکنک اشبو قرار علیه بنده لایحه سنده محرر باشلوجه اعتراضی کندوسی یوم معینده محکمه ده اثبات وجود ایدرک محاکمه لسبب یوم آخره تعلیق ایلدیکی حاله خلاف واقع اوله رق عدم اجابتی سر رشته سیله رد استدعایه حکم اولنسی مخالف قانون اولدیغندن بحثله اعلامک قضی استدعاسندن و مدعی علیه اندونک لایحه سنده مندرج نتیجه جوابی دخی حکم واقع خصمنک عدم اجابته مستند اوله رق موافق قانون اولدیقی بیانیله اعلامک تصدیقی طلبندن عبارت بولمشدر .

من بورك ردینه حکم ویرلش اولوب حالبوکه استدعای مذکور اوزرینه محاکمه وجاهیه اجرایی ضمننده تعیین اولنان یوم محاکمه نک باورقه دعوتیه معترض علیه تبلیغ اولنمش ایدوکی اعلام مذکوره محرر ایسه ده ورقه مذکورک معترض مرقومه دخی بالتبلیغ وضع امضا ایتش اولوب اولدیقی ذکر اولنان اعلامده ذکر وتصریح ایدلماش و بوايسه مغایر قانون کورنمش اولدیغه مبنی اصول محاکمه حقوقیه قانوننک ایکوز قرق برنجی ماده سی موجبجه اعلام مذکورک تقضیه قانون من بورك ایکوز قرق دردنجی ماده سی حکمنه توفیقاً کیفیتک اصول و قانون دائره سنده بالرؤیه اعلامه ربطی ضمننده محکمه مذکوره یه اعاده سنه و زیرده مفرداتی مرقم درتیوز یکرمی طقوز بچق غروش مصارف محاکمه نک ایلروده حقسنز چیه جق طرفه رجوع ایتک اوزره اول امرده مستدعیدن النسنه ۳۱ تموز سنه ۳۰۹ تاریخنده متفقاً قرار ویرلدی .

ایجابی لدی المذاکره اعلام مذکور مطالعه سندن اکلاشلیدیقی اوزره لاحق اولان حکم غیابی علیه بنده من بور مصطفی افندی طرفندن اعتراض علی الحکم عرضحالی اعطا اولدیقی حاله یوم معینده اجابت اولنماسنه مبنی استدعانا مه

قدس شریف بدایت محکمه سنندن ۲ حزیران

سنه ۳۰۰ تاریخی و سکر عددی ایله استینافاً
صادر اولان اعلامک تمیزی استعدایدن قدس
شریفده یهودیه قریه سنده ساکن المانیا دولتی
تبعه سندن لوییل موسی و اوستریا دولتی تبعه سندن
میخائیل کالسی و کیلیری خپار سوم افندی ایله
میز علیه مالیه خزینه جلیله سی و کیلی رشید
افندی یوم معینه دائره کلدکارندن ایضاحات
شفاهیه لریله باش مدعی عمومی معاونلرندن سعادتلو
بورغاکی افندی نک مطالعه سی استماع قلنه رق تدقیقات
تمیزیه اجراسنه ابتدار اولندی .

اعلام مذکورک خلاصه مالی جنتمکان
خصکی سلطان طاب سره حضرتلری اوقاندن
قریه مذکورده کائن معلوم الزراع اراضی
اوزرینه مرقومان موسی و میخائیلک انشا
ایتدکری ابنیه نک اراضی امیریه اوزرینه بلا
رخصت ابنیه انشاسی جائ اولدینی جهتله هدی
حقنده یاقه بدایت محکمه سندن ویریلان اعلامک
اراضی مذکورده نک کشف ایدلامسی وحدودینک
ذکر ایدلامسی اسبابنه بناء فسختدن صکره اساس
دعوانک تدقیقته بالابتدار اجرا قلنان کشف
وتحقیقات نتیجه سنده اراضی قانوننامه هایوننک
اوتوز برنجی و اوتوز ایکنجی ماده لرنده کوسترلدیکی

وجهله مذکور ابنیه نک انشاسنده حکومتک اذنی
واراده سنیه جناب ملوکانه استحصال قلنامش
اولدینی جهتله هدمنه حکمدن و مستدعیر
وکیلنک اشبو حکم علیه نه کی باشاوجه اعتراضی
بو مثللو اراضی امیریه اوزرنده انشا قلنامش
اولان ابنیه نک بدل عشره ربطی ویرکو امانت
علیه سندن یازیلان ۲۹ تشرین اول سنه ۳۰۰
تاریخ و قرق سکر نومرولی تحریرات عمومی
اقتضاسندن بولنش ایکن محکمه استینافیه جه
مذکور ابنیه نک هدمنه قرار ویرلمی مغایر قانون
اولدیندن بختله اعلام مذکورک نقضی استدعاسندن
وخزینه مشار الیها وکیلی رشید افندی نک نتیجه
جوابی اعتراض مذکورک واهی اولدینی بیانیله
ردی و اعلامک تصدیق طلبندن و معاون موسی
الیهک مطالعه سی دخی عندالاستیناف اجرا قلنان
تحقیقات و تدقیقات ایله اراضی منازع فیهاده کی
ابنیه نک اراده سنیه جناب ملوکانه استحصال
ایدلکسزین محله شککنده انشا ایتدیرلدیکی تبیین
ایتمش اولسنه مبنی اعتراضات واقعه نک موافق
قانون کوریه مدیکی بیانندن عبارتدن .

ایجابی لدی المذاکره اعلام مذکور مطالعه -
سندن اکلاشلدینی اوزره مذکور ابنیه نک

ماده سی موجبجه اعلام مذکورک نقضیه قانون
من بورك ايكوز قرق در دنجی ماده سی حکمنه توفیقاً
کیفیتک یکیدن بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم درت
یوز یکر می اوچ یحق غروش مصارف محاکمه نک
ایلروده حقسز حقیقه جق طرفه رجوع ایتمک
اوزره اول امرده مستدعیردن اخذینه ۹ ایلول
سنه ۳۰۹ تاریخنده متفقاً قرار ویریه رک
تفهیم قلندی .

اعلان

بیك اوچپوز یدی سنه سی تموزینک اوننجی
کیجه سی ساعت اوچ راده لرنده دولاب دره سی
جوارنده جرح و قتل ایدلش اولان فرونجی
طناشک کیفیت جرح و اتلافندن طولای مظلون علیه
بولنان و اولوقت دولاب دره سنده مقتول طناشک

فرونده ساکن اولان اسمر بکزی ضعیف
چهره لی اوزون بوی سیاه قاش و کوزلی و سیاه
صاچلی طبله کار طناش ولد علیکسینک فرار
ایتمسندن و حقنده اجرا قلنان تحقیقات اوزرینه
هیئت اتهامیه جه جنایتله اتهامه قرار ویرلمسندن
ناشی اصول محاکات جزائیه قانونک اوچیز
یتش برنجی ماده سی موجبجه معامله مقتضیه
قانونیه ایضا و محاکمه علنیه غایبیه سی اجرا ایله
قانون جزانک یوز یتشجی ماده سنه توفیقاً اعدامه
واوتوز برنجی ماده حکمنجه حقوق مدنیهدن
بالاسقاط اموالک حجزینه محکمه جنایتدن غیاباً
حکم اعطا قلنش و ذکر اولنان اصول محاکات
جزائیه قانونک اوچیز یتش یدنجی و اوچیز
یتش سکرنجی و اوچیز سکسان برنجی ماده لرله
مواد سائر سی احکامنه توفیق معامله اولنسی
مرجع مخصوصه بیلدیرلش اولغله اعلان کیفیته
ابتدار اولنور .

فی ۲۰ جمادی الاول سنه ۱۳۱۱

وفی ۷ تشرین ثانی سنه ۱۳۰۹

جامی ایله ملتی قتل قصدیه جرح ایتمسندن
طولانی مظنون علیه اولان ادهم فرار ایتمسندن
و حقنده اجرا قلنان تحقیقات اوزرینه هیئت
اتهامیه دن جنایتله اتهامه قرار ویرلمسندن ناشی
اصول محاکات جزائیه قانونک اوچیز یتش
برنجی ماده سی موجبجه معامله مقتضیه قانونیه
ایضا و محاکمه علنیه غایبیه سی اجرا اولنورق قانون
جزانک یوز سکسانجی ماده سنه توفیقاً بعدالتشهر
اوج سنه مدته کورکه قونلمسنه و او توز برنجی
ماده قانونیه منطوقجه حقوق مدنیهدن بالاسقاط
اموالک حجزینه محکمه جنایتدن حکم اولنش
و ذکر اولنان اصول محاکات جزائیه قانونک
اوچیز یتش یدنجی و اوچیز یتش سکرنجی
و اوچیز سکسان برنجی ماده لرله مواد سائر سی
احکامنه توفیق معامله ایدلسی مرجعه بیلدیرلش
اولغله اعلان کیفیته ابتدار اولندی .

فی ۲۲ تشرین ثانی سنه ۱۳۰۹

اوچیز سکر سنه سی تشرین ثانی سنک برنجی

پازار ایتسی کونی ایشام ساعت بر راده لرنده
قومه بوده ابراهام کهیانی قتل و کندی زوجیه سی
قاندقوی جرح ایلدیکی ادعاسیله مظنون علیه
اولان باربا اندریانک فرار ایتمسندن و حقنده اجرا
قلنان تحقیقات اوزرینه هیئت اتهامیه دن جنایتله
اتهامه قرار ویرلمسندن ناشی اصول محاکات
جزائیه قانونک اوچیز یتش برنجی ماده سی
موجبجه معامله مقتضیه قانونیه ایضا و محاکمه
علنیه غایبیه سی اجرا قلنورق قانون جزانک یوز
یتش دردنجی ماده سنک فقره اولیسنه توفیقاً اون
بش سنه مدته کورکه قونلمسنه و او توز برنجی
ماده قانونیه منطوقجه حقوق مدنیهدن بالاسقاط
اموالک حجزینه محکمه جنایتدن قرار ویرلش
و ذکر اولنان اصول محاکات جزائیه قانونک
اوچیز یتش یدنجی و اوچیز یتش سکرنجی
و اوچیز سکسان برنجی ماده لرله مواد سائر سی
احکامنه توفیق معامله ایدلسی مرجعه بیلدیرلش
اولغله اعلان کیفیته ابتدار قلنور .

فی ۲۲ تشرین ثانی سنه ۱۳۰۹

فی ۳۰ تشرین اول سنه ۱۳۰۹

قوفال قریه لی متوفی یعقوب اوغلی خلیل
اغانک ایواجق بانق شعبه سنه دینی بولنان مبالغ
محکومه نك تأمین استیفا سیچون مجوز بولنان
قریه مذکور حدودی داخلنده کیسه حویلی
نام محله طرفلری حسن اونباشی و دره حاجی
اسماعیل ایله محدود برقطعه پلاموطلقدده کی نصف
حصه سیله ینه مذکور قریه حدودی داخلنده

قیو باشنده طرفلری ملا عثمان و قره مصطفی اوغلی
وقوری اوغلی ترلاری و دره ایله محدود برقطعه
پلاموطلی ترلاسی تاریخ اعلاندن اعتباراً اون بش
کون صکره بلزایده فروخت اولنه جفتدن طالب
اولنلرک ایواجق بدایت محکمه سی اجرا دائره سی
نزدنده کی منادی یه مراجعت ایلملری اعلان
اولنور .

فی ۳۰ تشرین اول سنه ۳۰۹

طوزله قریه لی قره کوز اوغلی محمد اغانک
ایواجق بانق شعبه سنه دینی اولان مبالغ محکومه نک
صورت تسویه سی ضمیمه محجوز بولنان مذکور
قریه حدودی داخلنده طرفلری احمد و محمد علی
ایله محدود سکرز دونم برقطعه ترلاسی تاریخ
اعلاندن اعتباراً اون بش کون صکره بلزایده
صاتیله جفتدن طالب اولنلرک ایواجق بدایت
محکمه سی اجرا دائره سنه مراجعت ایلملری
اعلان اولنور .

فی ۳۰ تشرین اول سنه ۳۰۹

کوسه دره لی قریق اوغلی مصطفی و محمد اغالرک
ایواجق بانق شعبه سی صدوغنه دینلری بولنان
مبالغ محکومه نک تأمین تسویه سی چون محجوز
بولنان بابادره سی حدودی داخلنده طرفلری احمد
افندی و مصطفی و امیر حسن و یانقوفوتیا ترلاریله
محدود تخمیناً یکرمی بش دونم مقداری برقطعه
پلاموطلی ترلاری تاریخ اعلاندن اعتباراً اون
بش کون صکره بلزایده فروخت اولنه جفتدن
طالب اولنلرک ایواجق قضاسی بدایت محکمه سی
اجرا دائره سی نزدنده کی منادی یه مراجعت
ایلملری اعلان اولنور .

فی ۳۰ تشرین اول سنه ۳۰۹

ایواجق قضاسنک شاب قریه سندن عمرافندی
اوغلی ملا عثمانک جهت التزامدن زراعت بانق
صدوغنه دینی بولنان مبالغ معلومه نک تأمین
استیفاسی ضمیمه دائره اجراجه تحت حجزه

النان قریه مذکور حدودی داخلنده اشاغی الان
موقعنده طرفلری فاطمه و کلثوم و طریق ایله
محدود برقطعه پلاموطلی تاریخ اعلاندن اعتباراً
اون بش کون صکره بلزایده فروخت اولنه جفتدن
طالب اولنلرک قضاء مذکور بدایت محکمه سی اجرا
دائره سنه مراجعت ایلملری اعلان اولنور .

فی ۳۱ تشرین اول سنه ۳۰۹

ایواجق قضاسنه تابع اریجک قریه سندن
حاجی ملا مصطفانک جهت التزامه کفالتدنطولانی
قضاء مذکور زراعت بانقه سنه دینی بولنان مبالغ
معلومه نک تأمین استیفاسی ضمیمه دائره اجراجه
محجوز اولان قریه مذکور حدودی داخلنده
قیرکوز بوکی نام موقعده طرفلری مصطفی و خلیل
ودره ایله محدود برقطعه پلاموطلی تاریخ اعلاندن
اعتباراً اون بش کون صکره بلزایده فروخت
اولنه جفتی اعلان اولنور .

فی ۳۱ تشرین اول سنه ۳۰۹

قاترینه قادینک $\frac{31}{197}$ نومرولی اعلام مو جینجه
نقیسه خانم محکوم به دینی اولان معلوم المقدار
مبالغک تأمین استیفاسی ضمیمه خانم مومی الیها
عهده سنده مرهون و فروختی محکوم اولان
قاضی قریه سنده عثمان اغا محله سنده چیقماز مرزا
اوغلی زقاغنده اون درت نومرولی ملک خانه ایله
اون ایکی نومرولی برقطعه عرصه نک تاریخ
اعلاندن اعتباراً اون بش کون صکره بلزایده
فروخت ایتدیر یله جکی بک اوغلی بدایت محکمه سی
اجرا مأموریتی جانبدن اعلان اولنور .

فی ۱۱ تشرین ثانی سنه ۳۰۹

قبریه جی صورتینک دیمتری ولد نیقوله
ذمتنده بااعلام الاجنی اولان معلوم المقدار مبالغک
تأمین استیفاسی ضمیمه تحت حجزه النان
اخنی چلی محله سنده زندان قیوسی جاده سنده واقع
تخمیناً اوتوز آرشون عرصه اوزرینه مبنی وایکوز
طقسان طقوز نومرولی بر باب دکانده مدیونک

پدری متوفی نیکوله دن انتقالاً متصرف اولدینی
 عباچی کدکیله قله زمین محلتک اوچ حصه اعتباریله
 بر حصه سی و ملکینک اوتوز بش اقیچه اعتباریله
 یکریمی درت اقیچه دن سکر اقیچه حصه شایعه سی
 بوندن اقدام اجرا قلنان مزایده نتیجه سنده لیرای
 عثمانی یوزغروش حسابیله سکر بیک اوچیوز الی
 غروشده طالبی عهده سنده تقرر ایتمش و مدت
 مزایده نك انقضاسنه منبی موقتاً قرار داده سی کشیده
 قلنمش اولدیغندن بوندن زیاده یعنی یوزده بش
 ضمیمه طالب اولنلرک و دهها زیاده معلومات المقی
 استیانلرک تاریخ اعلاندن اعتباراً اوتوز بر کون
 ظرفنده دائره اجرایه مراجعتله پی سورملری
 لازم کله جکی و مدت مذکورک ختامندن صکره
 ضم وقوعبولور ایسه قبول اولنیه رق طالبی عهده سنده
 فراغ معامله سنک اجرا قلنه جنی در سعادت اعلامات
 نظامیه اجرا دائره سندن اعلان اولنور .

فی ۱۶ تشرین ثانی سنه ۳۰۹

طوپخانه عامریه منسوب استحکام الاینک
 دردیجی محافظه طابورینک اوچنجی بلوکی ملازم
 تانیسی حیتلو اشرف افندینک ینه طوپخانه عامره

ابنیه قومیسو ننده مستخدم استحکام قول اغارندن
 قوتلو عثمان نوری افندی ذمتنده $\frac{۲۱۰}{۱۰۰}$ نومرو سیله
 مقید اعلام موجبیه محکوم به الاجنی اولان
 معلوم المقدار مبالغتک تأمین استیفاسی ضمتنده
 افندی مومی الیهک غلطه ده یکی جامع شریف
 زقاغنده واقع قرق درت و قرق الی نومرو لی
 مغازه لرایله طوپخانه جاده سنده کائن یدی و طقوز
 واونبر نومرو لی مغازه لرده یوز یکریمی سهم
 اعتباریله متصرف اولدینی اوچ سهمدن ایکی سهم
 حصه شایعه سی تحت حیزه التهرق لدی المزایده
 بونلردن قرق درت و قرق الی نومرو لی مغازه لرک
 حصه مذکور اعتباریله اوچ سهم حصه شایعه سندن
 ایکی سهم حصه شایعه سی التون اقیچه یدی بیک
 غروش بدل و یدی و طقوز واونبر نومرو لی
 مغازه لرک سهم مذکور اعتباریله اوچ حصه
 شایعه سندن ایکی حصه شایعه سی سکر بیک بشیوز
 غروش التون اقیچه بدل ایله طالبیری عهده سنده
 تقرر ایتمش اولدیغندن تاریخ اعلاندن اعتباراً
 اوتوز بر کون ظرفنده یوزده بش ضمیمه طالب
 اولنلرک بک اوغلی بدایت محکمه سی اجرا مأموریتی
 جانبیه مراجع ایلملری اعلان اولنور .

(مطبعة عامر ده طبع اولنمشر)